

Fai sou sao i le lumanai o le tou aoga

Faamatalaga i fuafuaga a le aoga ma le faagasologa o faiga e lipoti atu ai

E tāua ou manatu ma tulaga ua e masani ai, e fausia ai se taatiaga o le aoga auā le tupu olaola o tamaiti ma tupulaga laiti uma.

Aisea e tāua ai fuafuaga ma lipoti a aoga?

E moomia le tou galulue faatasi ma aoga, faapena ma tagata, e saunia se fuafuaga mo le lumanai.

O se avanoa lelei mo tagata uma, e aofia ai tamaiti ma tupulaga laiti, mātua, aiga, ma tagata lautele, e faavae sini autu mo le aoga e atagia ai manaoga o tamaiti aoga uma ma lagolagoina a latou taumafaiga e manuia ai.

E aogā manatu ua e faaalia e faaleleia ai tulaga o fetaiai ma tamaiti aoga uma i totoru o aoga.



O ā galuega fai a aoga?

E moomia le saunia e aoga o fuafuaga mamao ma fuafuaga faaletausaga e tusa ma manatu faaalia ma faamaumauga a le aoga (e pei o faamaumauga o tulaga ua ausia e tamaiti aoga) e iloa ai vaega e tatau ona ave i ai le faamuamua.

E auala atu i fuafuaga nei, tulaga e tatau ai i aoga ona faamautinoa vaega nei:

- » e mafai e tamaiti aoga taitasi ona ausia tulaga silisili tau aoaoga
- » ua avea le aoga ma nofoaga e maua ai le saogalemu i le tino ma le mafaufau, e faatumauina ai aiatatau faaletagata o tamaiti aoga ma tali atu i auala e taofia ai faiga faailogalanu, faamaasiasi, amioga taufaamata'u ma isi ituaiga faiga faailoga tagata
- » e avea le aoga ma nofoaga e aofia uma ai soo se tamaiti aoga, ma tali atu, i manaoga eseese
- » e faamamaluina ai le Treaty of Waitangi, i auala nei:
 - › e aofia ai tikanga, mātauranga, ma le Te Ao Māori i totoru o fuafuaga a le aoga
 - › e faia laasaga talafeagai e aoao atu ai tikanga Māori ma le te reo Māori
 - › e ausia taunuuga e laugatasia uma ai tamaiti aoga Māori.

O ā tulaga e tatau ona ou faamoemoe e faataunuu e le aoga?

O tulaga nei e tatau ona e faamoemoe i le aoga e faataunuu:

- » e fia iloa sou manatu i tulaga o aogā, ma lē o aogā, ma mea e tāua i lou alo. E fuafua i ai sini autu e tatau i le aoga ona taulai i ai.
- » ia mautinoa ua maua uma e tamaiti aoga ma mātua kopi o fuafuaga uma ma o lo o tusia i se faiga e malamalama gofie i ai (e tatau ona faasalalau i luga o le initaneti).
- » tuuina atu ia te oe se lipoti o tausaga uma e te iloa ai tulaga ua ausia, e aofia ai suiga ua latou faataunuu auā le siitia o tulaga lelei ma le soifua manuia o tamaiti aoga.

O fea ou te maua ai nisi faamatalaga?

Faafesootai le aoga e te iloa ai le faagasologa o a latou fuafuaga.

E te maua foi nisi faamatalaga e tusa ma fuafuaga a aoga ma lipoti i le upegatafailagi a le Matagaluega o Aoga i le QR code pe tagai i le upegatafailagi o tusia i lalo.

[www.education.govt.nz/
school/schools-planning-
and-reporting/](http://www.education.govt.nz/school/schools-planning-and-reporting/)

